

Txirrindularitza ♦ Alberto Martinezek ongi eutsi zion atzo lidergoari; Benoit Salmonek (Casino) irabazi zuen etapa

Zailena geratzen zaio

Bi minutu eta erdiko aldea du, baina gaurko eta biharko etapak menditsuak dira



Alberto Martinezek (Euskaltel Euskadi) lider jarraitzen du Midi Libren.

Gorka Zabaleta / Donostia

ALBERTO MARTINEZ bikain eusten ari zaio Midi Libreko lidergoari. Euskaltel Euskadi taldeko txirrindulariak 2:25eko aldea du oraindik sailkapen nagusian, eta bi egun baino ez dira falta Frantziako proba amaitzeko. Hala ere, oraindik ez dago ospatzen hasterik, itzuliko etaparik gogorrenak baitira gaurkoa eta biharkoa. Ibilbide malkartsu horretan, Albertok eta bere taldeak erasoei aurre egin beharko diete, eta ez da batere erraza izango.

Baina Euskaltel Euskadi sasoi betean dago. Izugarriko maila ematen ari dira azken asteotan, eta Frantzia orain arte inork ez du erakutsi haiek baino gehiago denik.

Bi etapa hauetan, izenez, Laurent Dufaux izan daiteke gizon arriskutsuena. Hala ere, 3:23ra dago, eta suitzarrera ez dago oraindik bere sasoi onenean, maiatzaren 1ean hasi baitzen korritzen, zazpi hilabeteko zigorra bete ondoren. Bigarren eta hirugarren postuetan Casinokoa daude: Alexandre Vinokourov eta Benont Salmon.

Salmonek irabazi, Bellik galdu

Casino taldeko Benont Salmonek irabazi zuen atzoko etapa, Thuir-Beziers. Egune-ko galtzaileak, berriz, Festina taldeko txirrindulariak izan ziren, Wladimir Belli batez ere. Quiribus mendateko gai-

nean tropela zatitu egin zen, eta Belli atzean gelditu zen, Christophe Moreau taldeki-dearekin.

20 txirrindulariz osaturiko taldetxo batek aurrera egin zuen. Tartean ziren Alberto Martinez, Salmon, Heulot, Dufaux, Vinokourov, Meier eta Vasseur, besteak beste.

Helmugatik 40 kilometro-ra, Benont Salmonen eraso gogorra jo eta aurrera egin zuen. Laster lortu zuen bretoiak minutu bateko aldea, eta atzekoei ezinezkoa egin zitzaizen harrapatzea. Bigarren Alexandre Vinokourov izan zen —Casinokoa bera ere—, eta hirugarren Stephane Heulot.

Gaur Saint Clair mendatean amaitu da etapa, Midi Libreko gogorrena.

sailkapenak

Laugarren etapa

1. Benont Salmon	4:30:02
2. Alexandre Vinokourov	56ra
3. Stephane Heulot	d.b.
4. Francois Simon	d.b.
5. Michael Kyneb	57ra
6. Michael Blaudzun	d.b.
7. Cedric Vasseur	1:11ra
8. Armin Meier	d.b.
9. Gilles Bouvard	d.b.
10. Rene Joergensen	d.b.

Nagusia

1. Alberto Martinez	13:20:28
2. Alexandre Vinokourov	2:25era
3. Benont Salmon	2:31era
4. Mikael Kyneb	2:40ra
5. Michael Blaudzun	2:50era
6. Laurent Dufaux	3:23ra
7. Cedric Vasseur	3:30era
8. Simon Francois	3:47ra
9. Geor Totsching	4:06ra
10. David Moncoutti	4:12ra